

**Ta'ita'i-Fono:** Fa'aeteete Saifoloi, FT  
**Sui Ta'itai-Fono:** Dr. Leatulagi Fa'alevao, FT  
**Failautusi Aoa:** Nafatali Falealii, FS  
**Teutupe:** Fiasili Puni E. Haleck, TK



**Ekalesia Fa'apotopotoga Kerisiano Amerika Samoa**  
Pusa Meli 1537 – 1 Kanana Fou Street  
Pago Pago, Amerika Samoa 96799  
Tel. (684) 699-9810 Fax: (684) 699-1898  
imeli: nfalealii@efkasonline.org  
upega-tafailagi: www.efkasonline.org

*Ofisa a le Failautusi Aoa, EFKAS*

Juni 2, 2020

Susuga i Toeaiina ma Fa'afeagaiga,  
Mamalu i Komiti Tumau ma Mafutaga Lagolago,  
Mamalu i Matagaluega ma Pulega,  
Paia i 'Aulotu EFKAS

## **FA'AALIGA FA'ALAU'ITELE #4 MO LE EFKAS ONA O LE CORONAVIRUS (COVID-19)**

Susuga e,

E le fa'a'itiitia le agaga fa'afetai i le Atua ona o lana tausiga ma lana puipuiga malu i le Ekalesia Aoa, i susuga i Toeaiina ma Fa'afeagaiga ma Faletua, susuga i Faifeau ma A'oa'o ma Faletua, o afioga i alii ma tamaita'i Tiakono, o Tamā ma Tinā matutua, tainane le lasilasi o le Ekalesia i ona tulaga fa'alupe. Lagi e mamā i le alofa o le Atua!

E ui na fa'amata'u mai pea le fa'ama'i o le coronavirus, a o le fa'amanatu o le Aso Sa o le Penetekoso ua mavae, o le afio ifo o le Agaga Paia i luga o le 'ausoo lea na fanau mai ai le ulua'i Ekalesia Kerisiano, o le fa'amaufa'a'ailoga lea tatou te mautinoa ai, e le tuulafoaiina e le Atua Lana Ekalesia ma ona tagata. Malo le onosa'i! Malo le tauāta'i! Fa'afetai i lo outou alolofa i le Atua ma Lana galuega. E lei faigofie la ta savaliga i ia masina ua mavae atu. Ae lagona pea le fa'afetai, auā sa tatou savavali fa'atasi ma le Atua.

I le ava tele ma le fa'aaloalo e tatau ai, e fia tu'uina atu ai le lona fa (4) nei o fa'aaliga fa'alau'itele mo le EFKAS, ona o le fa'ama'i o le COVID-19. E i ai nofoaga o loo aumau ai le Ekalesia, ua amata ona fa'a'itiitia le pipisi o le faama'i. O isi foi nofoaga, ua i ai suiga o tulafono ma tapulaa mo le nofo puipua o tagata lautele. Ona o lea, ua finagalo le Ta'ita'ifono ma le Laulauafono, e tu'uina atu lenei fa'aaliga, e fai ma ta'iala mo le Ekalesia Aoa i lona aga'i i luma i lenei foi vaitau. O fa'atonuga ia o lenei fa'aaliga:

### **1. Sauniga Lotu i le Aso Sa ma isi aso o le vaiaso:**

**'Aulotu i Amerika, Niu Sila ma Ausetalia** – E taoto atu i le fa'autautaga a le 'aufaigaluega ma 'aulotu ta'itasi, le fa'aauuina o sauniga lotu i totonu o malumalu tapua'i e pei ona masani ai. Auā e i ai nofoaga ua fa'a'itiitia ai le pipisi o le fa'ama'i, ae e i ai foi nofoaga, o loo malosi pea le fa'ama'i. O le mea sili e tatau ona fa'atāua, o le soifua maloloina ma le nofo puipua o tagata lotu.

**'Aulotu i Amerika Samoa** – O le aso muamua o Juni na aloa'ia ai le teuteuga lona 5 o le fa'aaliga a le Malo ona o le fa'ama'i o le coronavirus, ma o lea, ua toe tatala ai le faia o sauniga lotu o Ekalesia. Sa 'auai le Ta'ita'ifono i le fonotaga a le Kovana ma ta'ita'i o Ekalesia sa faia i le aso 3 o Juni, ma ua toe fa'amanino mai ai lapata'iga ia mo le toe tatalaina o sauniga lotu:

- Ia le sili atu i le 150 tagata e faofale i totonu o le malumalu, pe potopoto fa'atasi i se nofoaga e tasi, i le taimi e tasi;
- Ia tausisi pea le tū mamā ma le nonofo valavala i totonu o le malumalu. E fautuaina le fa'aaoga o ufi fofoga (*facemask*) ma vilaaau e fa'amamā ai 'aao (*hand sanitizers*).

**Ta'ita'i-Fono:** Fa'aeteete Saifoloi, FT  
**Sui Ta'itai-Fono:** Dr. Leatulagi Fa'alevao, FT  
**Failautusi Aoao:** Nafatali Falealii, FS  
**Teutupe:** Fiasili Puni E. Haleck, TK



**Ekalesia Fa'apotopotoga Kerisiano Amerika Samoa**  
Pusa Meli 1537 – 1 Kanana Fou Street  
Pago Pago, Amerika Samoa 96799  
Tel. (684) 699-9810 Fax: (684) 699-1898  
imeli: [nfalealii@efkasonline.org](mailto:nfalealii@efkasonline.org)  
upega-tafailagi: [www.efkasonline.org](http://www.efkasonline.org)

Pau ia o lapataiga sa fa'amalosia mai e le Kovana, ma, ua manatau ai le Ta'ita'ifono ma le Laulauafono, e tatau ona toe fa'auau sauniga lotu o le Aso Sa a 'aulotu uma o le EFKAS i Amerika Samoa nei.

Mo le silafia, e le o taofia mai le faia o Aoga Aso Sa, o 'Aufaipese, o Fono Tatalo, o lotu Aso Lulu, ma isi vaega masani o le galuega fa'ale-agaga o le Ekalesia. Ae taoto atu pea i le tofa fetuutuuna'i o le 'aufaigaluega, pe talafeagai ona toe fa'atino isi vaega ia o le galuega i le taimi nei, talu ai, e na'o le 30 aso lea e tatala mai ai sauniga lotu. O lona uiga, e toe iloilo lona fa'auauina i le aso muamua o Iulai 2020, lea ua fuafua e toe tatala ai va'alele.

## **2. O Faiga Taulaga:**

E momoli atu le fa'amalo ma le fa'afetai i le Ekalesia Aoao i lou faitaulaga i le Atua! Ua silia ma le 70% o 'aulotu ua o'o mai a latou faiga taulaga i le Ofisa Tutotonu. A o le isi 30%, e talitonu o loo aga'i mai pea. O le fesoasoani mo 'aulotu i fafo: afai o faigata 'auala e fa'aoo mai ai lou faiga taulaga i le Ofisa Tutotonu, e maua le avanoa e mafai ona uaea mai ai (*wire transfer*). Fa'afesootai mai le Ofisa Tutotonu mo fa'atonuga e mafai ona uaea mai ai lou faiga taulaga ([GenSec@efkasonline.org](mailto:GenSec@efkasonline.org)).

## **3. Matagaluega Nite:**

E ui na tolopō le Fono Tele, ae toe fa'amanatu atu le Matagaluega Nite e pei ona fa'ailoa atu i se taimi ua sola. E i ai pulega ua fa'ao'o mai la latou Matagaluega Nite i le Ofisa Tutotonu, fa'amalo fa'afetai.

## **4. Fonotaga a Komiti Tumau/Mafutaga**

Na o le Komiti a le 'Au Toeaina ma le Komiti Fa'amisionare ua o'o mai le fa'ailo mo fonotaga e faia ia Iulai. Ua toe o se aga ona mae'a lea o le tapenaga o le potu fonu i le Ofisa Tutotonu, e mafai ona faia ai le *video conference* i luga o le upega tafailagi. O lona uiga, o sui o Komiti mai i fafo o le a mafai ona fesootai mai i fonotaga i luga o le upega tafailagi. Sau se taimi ona fa'ailoa atu lea o aso o fonotaga. Ae mo sui o le Komiti a le 'Au Toeaina ma le Faamisionare o i atunuu i fafo, taga'i ane i "Fa'asilasilaga" i luga o le website a le Ekalesia ([efkasonline.org](http://efkasonline.org)), o loo i ai fa'atonuga e mana'omia ona fa'atino e mafai ai ona fesootai mai i fonotaga i luga o le upega tafailagi.

Pau ia o nai fa'atonuga e fia tu'uina atu mo lenei taimi e ala i lenei fa'aaliga. Ae toe momoli atu le fa'amalo ma le faafetai tele, Ekalesia e, i lou onosa'i i lenei vaitau lē faigofie e pei ona tatou i ai. Tatou tatalo pea i le Atua ina ia aumai se laolao lelei e mafai ona toe fa'atino ai tiute ma tofiga fa'ale-Ekalesia e pei ona tatou masani ai. Tatou tatalo mo le lalolagi, aemaise nofoaga o loo aafia pea i le fa'ama'i. Ia tatou tatalo foi mo Amerika, aemaise mo nofoaga o loo tauivi pea ma le fa'ailogalanu ma le fa'aitu'au. Ia agalelei le Atua ma puipui malu lou soifua ma si o matou ola.

Soifua ma ia manuia,

  
Nafatali Falealii FS  
Failautusi Aoao EFKAS